



江蘇省地方志編纂委員會辦公室 編

江蘇歷代方志全書

91



江蘇省地方志編纂委員會辦公室編



鳳凰出版社

江蘇歷代方志全書

91

蘇州府部



ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253.25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200.00圓(全九十九冊)
(本書凡印裝錯誤可向承印廠調換, 電話: 0514-87969255)

光緒崑新兩縣續修合志(三)



(清) 金吳瀾 等 修
(清) 丁廷鸞 等 纂
(清) 汪堃 等 纂
(清) 朱成熙 等 纂

第九十一冊目錄

光緒崑新兩縣續修合志 (三)	〇〇一
崑新兩縣志補遺訂訛	三八五

崑新兩縣續修合志卷三十三

好義

元

朱旭字子陽宋行省左丞清子元初以薦授忠顯校尉海運千戶告歸卒旭少學書於趙孟頫爲學士虞集稱賞性好施勇於爲義嘗出粟賑饑買棺掩骼鄉里德之

王允吉字吉卿元季時守令頒歷於民而取其直允吉日歷以授人時也昔以利民今爲民厲顯出所有以佐用由是里中得免嘗行道見索逋者怒詈不已負者默不敢答允吉惻然爲代償之友人陸均祥寢疾一子從成遠召允吉託以後事允吉爲之營葬事其妻如嫂妻顧

崑新兩縣續修合志

卷三十三

好義

一

亦能佐允吉行其德孫永和

葉苗字秀實居南鄉之石浦樂善急義有古豪傑風元末方國珍亂海上小人乘間而起磧硯村福嚴寺僧有提點者與其徒昌都寺等亦聚無賴殺人肆焚劫有司不知所爲賊勢漸張禍且及苗其姻家金某刺知之賂以重貲乃得免苗憤曰鼠輩敢爾不剪除之又一國珍也陰募勇敢士得徐平一等若干人經略已定乃繪賊焚劫之跡上之當路率眾掩捕盡得之無脫者官爲窮詰皆伏辜而有提點實先瘐死苗聞之曰佛法重閣難戲作舉火文以著其惡鄉里稱快苗少贅周家涇金氏延祐中卜居沈安涇東家無厚蓄而性好客往來吳越間

遇佳山水輒吟咏寄意子震宗孫茂並修德好義能讀書卒年俱八十餘茂子明即侍郎盛之祖別見子春傳盛官中朝時出苗事實名公卿競作傳誌詩歌以表之管善處士珪子珪字仲玉有隱德善嘗以先志割常稔之田四十五畝入校官養士至正二十三年知州僕侯斯訪先賢王葆李衡劉過墓而封表之善謂諸賢之墓不可無祭祭不可無田復割田三十五畝爲祭祀修葺之用且以其父珪之葬馬鞍山也請耐其主於龍洲之祠侯斯如其請殷奎爲之記

明

周勉字元學好讀書多隱德凡與肩挑貿易必寬其值雖

崑新兩縣續修合志

卷三十三

好義

二

受人欺心亦甘之待勞力之人先飽其食僮婢尤加恤勤奮者厚犒之故人皆樂効力嘗置產三畝其值因畧其門曰一田三價買六子百年耕其存心仁厚如此人皆頌其德

王銘字與新居度城景泰甲戌東南大饑且疫詔下有司凡民輸粟於官者授以冠帶時邑令鄭達初下車民皆向之求食填塞衢路民哭達亦哭乃連日夜走鄉郭民家饒裕者入門勸諭官立質券貸穀給饑民粥銘首輸粟五百一鄉賴以生詔賜七品服同時有諸樂耕居澗漕里官至給券樂耕曰無煩享贏餘而坐視溝壑可乎慨輸七百斛有司以聞授冠帶爲義官

周簡字元凱世居石浦以力田致饒裕有司選長鄉賦率先公後私其催科之善徭役之均民不擾而事集景泰乙亥夏不雨民病南告於部使者曰苗槁矣非除田租民將去其土部使者上書得旨蠲停南日租雖除如目前饑饉何發私粟賑之民賴以活南少喪父母哀毀如禮稍長奮於學家居尤篤倫紀卒年六十九

陳速字思達先世揚州人元時高祖珪以弟珪任崑山教授遂家焉速少負英氣讀書不就業農成化間兄近坐事繫獄論戍速不遊艱險上書訟誣得釋有客某寓崑與速善病歿具棺殮函骨歸葬之有馬姓負速緡錢不能償易重稅田爲輕稅以抵速憐之不問所負仍返其

崑新兩縣續修合志

卷三十三

好義

三

田時爭以義士目之嘉靖辛丑邑人張羽表其墓

嚴春鄉民也家素饒而好善正德己巳庚午皆大水饑殍滿路春出已地瘞之懸金以爲傭值衆利其金爭載尸往瘞焉

魏岸字子秀校從弟以貲補南京驍騎衛知事改光祿寺典簿致仕岸襲父遺田數百頃多爲德於鄉時里苦重役上戶多巧免移之下戶岸獨自占其役俾得休息縣令郭楠嘗造岸見廳事側有荒冢問故岸曰其子孫欲售之久矣與之直彼不以治生而棄其骸骨於水火故寧存之楠曰此古人誼也咨嗟良久而去先世出莊渠李氏族姓百數校歲廩有差岸踵而行之誠子孫世勿

絕子希直字溫甫好行義不欲人知所歷市橋村舍有所見輒解囊以濟領嘉靖乙卯鄉薦家居四十年散家貲累萬金希直子尙賢字念貺萬曆壬午舉人大昌字山菽丙午舉人尙賢子文心崇禎壬午舉人自有傳

龔良相字輔卿其先本徐姓以遠祖嘗爲崑山丞遂家焉父芳娶於龔因冒其姓良相偉貌修髯鏡幹局爲諸生時值倭寇攻城邑令祝乾壽發諸生守陣嘗以身翼蔽乾壽又身請督戰橫戈被鎗時有斬獲都指揮梁鳳擁客兵邀賞逗撓不進良相上書勸責鳳勉與寇戰旋亦遁去後以太學生謁選授光州通判已補蘄州興利除害民咸德之遷衡州告歸卒遊太學時刑部主事海瑞

崑新兩縣續修合志

卷三十三

好義

四

以言事忤旨逮下詔獄良相詣政府稱瑞言事當法不宜逮請擊登聞鼓白狀政府謝遣良相而心壯之後瑞巡撫江左良相猶以藍衣白事多見採擇焉

柴秩字虞叙奇季子十歲通春秋二十入太學平居寡交遊慎言笑性嗜讀書無間寒暑時島夷通市浙直者剽掠歲見秩策其必內訌與姪輔元相期爲射會日夜講求戰守之具儲器械結俠客訓練丁壯多蓄弓弩油蠟之屬人或笑之嘉靖甲寅四月倭寇猝至邑令祝乾壽知秩才令守牛橋灣乃攻圍最要衝也秩與輔元率合族家丁三百人禦之輔元字子貞能左右射善矛槩尤長大刀城守四十六日矢無虛發遙見火光連弩射之

斃其四酋羣倭昇會長牛角大王至城下一矢貫其顙有乘夜梯城者手提三百斤巨石壓而殺之秩又募壯士夜往新洋江燒賊船六十餘艘倭始懼不敢犯東城併力西關其酋長二大王死乃解圍去秩與輔元絕不言功惟乾壽心知其能深加歎服方城守時民駭走多枵腹秩出粟炊熟截竹爲器盛貯道旁以濟其飢全活甚衆圍解後家且中落丁巳就選得浙江布政司都事攝臨安篆築隄以防海水隄成而民不擾陞寧州判官署州事廉明尤著念母夏年高乞終養歸卒年六十

潘蔚卿字元山諸生饒膂力能舞大刀騎射絕人家貧善事母母小恙輒抱持以行嘗偕友讀書元墓山鄰舍生

崑新兩縣續修合志

卷三十三 好義

五

爲巨蛇嚙死蔚卿伺林薄間奮刀斷其首首飛復墮中犬大立斃乃亂磔而火之蛇患遂絕倭犯東南蔚卿斬獲甚多嘗貫數十首級上功幕府抑之怒遁去見大澤中寇方聚欽又盡殺之太僕歸有光呼爲潘將軍北上載與俱亦嘗殺賊徐沛間晚歲種瓜黃渡以壽終

沈善字三善松溪簿誠之裔居吳橋讀書解經義論事津津具首尾嘗捐貲建吳家橋又以餘力建陶家橋陰行善事口不言功縣令張琳高其行延爲鄉飲賓薦授禮部儒士進英府教授

沈三益字華原少有至性父產落遭賊當受杖三益詣縣代之童頂而耆冠受杖露頂尹稱其孝已家稍顯輒施

予不吝將葬父母有願出櫬售地者三益與之直而存其封同兄善積粟造吳橋人不病涉他行義甚多子夢祥好善有父風又楊起字文遠其先本陳氏有貧人將發父棺鬻其地起曰若戀厚直耶如其數與之豈得免孟紹曾字少魯世居張浦紹曾由諸生入太學選光祿寺署丞陞署正以疾歸築怡老園賦詩飲酒以終生平喜行善隆慶二年出粟濟全吳鄉諸河浦三十有四長二萬七千六百九十四丈是歲大旱全吳半鄉獨稔歸有光作文記之又嘗營葬親地旁可置數百家以卹閭里之貧不能葬者

胡嘉魚字麗甫父承憲以好施任俠稱嘉魚幼慧爲王世貞所器許童試以額窄被遺乃放情博覽師事同邑顧懋宏與吳門王穉登張獻翼雲間莫是龍相善性亢直好義從叔文憲爲縣令所忌母彭與永訣嘉魚年甫十八亟檢田房二券持以通與令習者得免未幾懋宏罹鄉人難嘉魚冒險左右之已知事屬司理龍宗武宗武方按部松江嘉魚以獻翼爲宗武所重乞致書復慮後期夜自操舟抵松書達而事獲寢素精青烏家言論休咎無不應而非其意雖重幣弗領也晚益堅持傲骨厭薄市井就居城南以老卒年七十子甲桂

王踐字誠履太學生世居朝宗坊家素封事母以孝稱邑中疾疫災祲輒倡率勸募爲醫療賑濟之事親族之不

能喪葬婚嫁者皆取給無倦色尤恤農佃同里朱集璜著養人說贈之

陳應奎字心疇自月直移居千墩明季荒旱應奎召內外親屬凡四十餘家聚其宅出困粟養之粟盡糴米以濟而自屑糠粃佐食至歲稔始各辭去

陸世綸字汝萊又字兆魚安吉從子居陳墓十三遊成均倜儻負才略里中遇不平事挺身自長吏懲以法崇禎末當事徵世綸團練義勇保護鄉里乙酉夏江南失守世綸聚衆千餘立寨湖中毀家給餉及大兵下陳湖棄家入山以疾歸卒同時莊雅字晏如世居雞鳴塘從世綸起兵率先鋒攻郡之盤門先鋒敗雅退走湖中請

崑新兩縣續修合志卷三十三 好義 七

救於黃蜚吳志葵皆無出師意乃往依陳子龍於松江子龍事泄亡命死雅匿里中教授生徒後遷嘉定野服黃冠垂簾賣卜終其身

附 范信者龔泰家僕泰家貧鬻信及其妻於長洲富室數年不通正德初泰益貧無所依一日適經其處信見之泣拜請至主家告其主曰此信故主誠不忍其流落欲望容留信夫婦不惜傭力圖報新主義而許之信值農務稍暇即肩負小販獲奇贏以周給之終身弗衰

國朝

○張立平字遜求魯唯子性好潔弱不勝衣讀書數行俱下與弟立廉同補諸生入復社有名乙酉之變所在遭

骸滿目立平兄弟倡議掩埋與曹夢元諸永明葉方恆輩擇地玉柱塔西聚骨數萬合爲一家名仁緣塔立平任費十之八又徧周親戚貧乏及窮民無告者杜門息影長齋繡佛以終立廉別有傳季弟立善字應仙樂施予至老不倦鐘粥不繼止餘東城外負郭地六十畝康熙初復捐爲義冢曰孝慈壇

○何鄧侯字漢功少孤苦力學年五十領順治戊子鄉薦公車不第歸喟然曰士大夫居官當有益於官居鄉當有益於鄉若徒鮮衣豐食取便自適曷以士大夫爲會辛卯大水民多流亡鄧侯謀煮粥活之苦不得米乃草屨徒步五步一拜行募城市人皆感泣應之時貢生葉

崑新兩縣續修合志卷三十三 好義 八

方至倡捐米二百石孝廉葉方恆徐開遠共爲襄事董厥役者僧指一與諸生曹夢元也

○朱德興字仲雅其先歙人後自江陰徙崑山明崇禎末歲大饑餓殍盈道德興作米團以食餓者不繼則煮粥食之夜有盜入室鄰里譁謀德興起視識其人驚曰若何至此匿之明晨贈以金勸其改圖且許秘姓氏其人泣謝去卒改行有名家子以貧鬻身郡城德興以金贖歸後其子得補諸生乙酉七月城將陷與其妻沈坐以待命已而竟無恙但聞兵士相戒云此神祠也勿入既得免見遺骸狼藉收而瘞之子孝政

○徐開法字茲念應聘孫少孤事母潘以孝稱由諸生入

太學申申乙酉間當路以明經薦尋稱疾歸杜門課子足跡不入城市性剛直好義嘗以漕政大壞歷考前代漕規附以己議曰漕政考要其論解布謂市非崑崙松屬太倉嘉定爲多在彼使本色在崑便折色彼此通融大爲利益其論漕兌謂漕贈一項民間細布器物皆可算收糧米除正額外行月局恤等類黃米糯米皆可充數兌軍所需糧戶易辦速兌限而甦民力無踰此者當事採其言頗見施行滬上有王葉二姓指腹爲婚後王氏子貧落葉欲以女嫁富人而逐王氏子開法聞之招葉至懇切勸諭卒完其姻嘉定人有女美姿容爲僧誘賣於娼家隸大帥麾下有司莫敢詰開法贖而歸其

崑新兩縣續修合志

卷三十三 好義

九

父母卒年五十三子乾學秉義元文各有傳

○何英字本初居度城少任俠長更折節所交多四方豪傑明季散家財團鄉勇斂漁舟聚眾戢江湖西接陳湖東連湖口以興復名後事敗詭裝爲農氓逸去一日夜走餘杭變姓名自匿會寇竊發官不能制浙帥傳檄能諭降者授府道職寇魁故與英往來乃懷檄往諭以禍福卽釋甲降以功授大名府通判大名京畿要路俗強悍鳴鎗如織英捕斬不少貧民有作奸悉繩之以法以最掘雲南黑鹽并提舉未赴卒英自少亢直少文自登仕版頗敬士夫人以此多之

○朱顯宗字闇生夏六世孫祖武字威卿以孝友恭謹稱

顯宗弱冠補諸生會外祖侍御周元暉以著書劾忌諱遠下詔獄顯宗毅然請行身捍患難事得白以貢授丹陽訓導福王時補浙江西安訓導南都失守奉魯王令攝縣事明年遷衢州府推官尋棄官歸順治辛卯夏大水民飢大吏不以上聞催科愈迫里中民洵思叩閭籲荒衆皆怯不前顯宗慨然就道挾次子昱以隨邑令率父老子弟踵門謝而里耆孫愚周延徐彥相先後觸暑匍匐赴都繪圖陳請給事中姚文然高顯宗義上言災狀奉 詔許蠲折澤及江浙十四郡卒年七十五子五晟昱景旦晨晟字與升垂髫補諸生讀書日盈寸好義重然諾乙酉城守時念里中飢者計口給精兵至

崑新兩縣續修合志

卷三十三 好義

十

擁至學舍前奮臂被殺旦出爲叔維宗後晨字孝升諸生隨任衢州桑海間奉母葉避衢之南鄉聞父在兵間冒險往至舜山遇父得共歸里後以哭母而卒晨子謚年十歲被俘逸歸痛父遇難不三月亦死

○王成周字維豐居白田父耀慶順治乙酉嬰城戰死成周爲兵所獲帥壯其貌釋之俾主軍中文書成周大書歸順等字百千紙散給遠近使粘於背所全活甚衆乘間脫走得父屍於積骸中葬之戈溪祖塋伯父道明爲怨家所殺力爲復讐抵罪與弟成易同繫三十年弟歿撫從子代理家政數倍弟所遺乃授焉晚卜居甫里卒年七十孫孝詠字慧音以長洲籍補諸生時長沙陳鵬

年守蘇識李詠於童試時延之入署旋入制府尹繼壽幕先是江左五十年來漕弊叢生繼壽奮意釐剔孝詠乃條列私派科徵邑倉淋尖水腳議兌諸弊端悉據以入奏得旨革除民以大甦孝詠子美有萬才繼善爲之地當得縣令孝詠不可卒不謁選

○朱時蘭字霖生父病刺血和藥以進得痊同懷兄性暴戾時蘭怡然受之明崇禎庚辰歲大設設法賑濟全活甚衆國朝順治初草竊蠢動時蘭椎牛釀酒集里中豪勇告以國家威信天命攸歸爲善蒙福遂折其萌年八十七卒同里有朱洽者字浹生亦以孝義稱

○邳鼎邑諸生家於甫里康熙庚戌吳中大水鼎偕紳士

崑新兩縣續修合志

卷三十三 好義

十一

設廠施粥規條井井經冬歷春全活無算是夏疫癘大作病劇氣絕一晝夜得甦妻及子亦垂危而並瘳

○許福霜區糧耆也康熙九年邑遇奇荒福詣縣陳結律雲歲調呂等區民情慘楚至草根樹皮亦無從覓刻難存活之狀邑令董正位遂委福募賑福募粟外兼募白糧糠粃更刊濟饑果報徧送巨室時有王雲程助米一百五十石吳民望助棉四千五百斤陳德公沈鼎銘湯聖沐輩協力扶助一時紳士並感動出粟計福所賑口數一百十萬有奇始終經理無倦色

○陳應選字伯皋天性厚慕義如弗及有張姓事費寄業後客死江湖其家無知者應選召張戚屬舉子母錢

歸之不少隱沈某老而無子婢妊身矣負客逋欲鬻以償應選慨然曰若不慮爾祀斬耶即代償之湖寇掠鄉鎮應選倡置木柵炮臺募鄉勇晝夜守禦衆賴以安

○顧機字協滄神從子順治初補諸生以賦冊呈誤生有至性年十六失恃侍父洪源形影不離家雖貧必具甘旨族之貧不能就學及無力婚嫁者輒傾囊資助先是邑城北有世德社倉夏散冬收規畫頗備機念南鄉去城遠且其地磽薄民無宿儲乃移世德倉米二百石別建社倉於瓦浦東躬較出入歷十四年既歸本世德倉更贏米四百餘石爲一鄉所賴卒年七十四曾孫思約字紹曾舉乾隆丁酉鄉薦以力學稱思約兄子有穀字

崑新兩縣續修合志

卷三十三 好義

十二

粒萬與弟有稜字衡方俱孝友能文所爲詩並秀拔無浮靡之習有稜補諸生早卒有穀性介特而遇里中善舉如葺文廟修橋梁及施棺惜字靡弗肩任不辭嫌怨教授後進門牆稱極盛以覃恩充里選卒

○呂廷章字德煥邑諸生受業宋用純之門誠敬備至師沒梓行其遺集并建祠馬鞍山麓捐田致祭性尤好義邑中如社倉育嬰堂皆竭力扶助不倦卒年七十一

○汪思聰字德達世居休寧順治初隨父世祿商於邑之石浦尋徙居樹麓村壯遊太學歷試不售以州同知需次歸遂不復出思聰性孝友饒幹才弟思睿被誣致訟詞連思聰學使邵嗣堯親鞫之對簿未數語嗣堯點首

稱善霽顏與語久之事得自生平勇於赴義忠水鄉多病涉隨地築石梁以濟遠近便之嘗出粟數百石分貧貧戶資播種而不責償他若施構施藥施棉衣蠶帳之屬不可枚舉鄉鄰子弟不能具脩脯輒廢學乃於所居之北砌設義學構樓以藏經史集長幼童子延師分課時巡撫張伯行方勅紫陽書院檄郡邑廣置義塾嘉惠聰之義頒給所設理學諸書儲塾中並令諸生月課文藝郵送至郡而親加評騰士論榮之年八十四卒長子衡季子雯並以諸生入太學三子安舉康熙丁酉鄉薦安弟察積德充貢咸好學行義有父風衡孫文星字東垣乾隆辛卯領鄉薦授淮安訓導師範端嚴喜引掖後

崑新兩縣續修志

卷三十三

好義

三

進諸生汪廷珍陳師濂尤所器許者後皆授巍科以去乞歸後鍵戶讀書至老不倦卒年七十四

○黃宏字聖澄正義人父貞孟慷慨好義宏承父志嘗集同志於里中倡立義學並籲大吏題請免賦弟濟字子雲自有傳同里吳國珍字萬九業賈性長厚年七十諸子欲張樂為壽國珍命以所費市巨石自飾穀涇橋下四十餘丈衢巷俱改築之自是早行者無傾跌之患

○汪中鵬字萬九孝子宗灝之長子登雍正癸卯恩科鄉薦親病侍湯藥半載不解帶及歿當暑不扇不浴新安同姓子遇盜且病裸臥西關下中鵬留諸家醫療之病愈為具裝送歸嘗貸人銀而參落他手交來索中鵬

曰彼固有憑此實子錢家遂兩償之鳳山朱絃中鵬房師也令崑時邑中利弊知無不言獨無一語及私邑中善舉隨所見聞必竭力助成孜孜不倦卒年六十三

○唐德敏字敦民德咸季弟少補諸生講求經世務於律歷河渠錢穀會計陰陽靡弗通曉好聚古今異書碑銘志乘揭其祕要手自繕錄性耿介而能耐煩劇凡修舉廢墜若學宮試院玉泉井及育嬰普義等事輒殫力經營行肩邑中公務者垂四十年積德充貢尋卒

○袁士良字仰賢居渡頭里孝弟力田好施子女弟孀居無依授厘衣食終其身歲大水倡築隄防以捍一方發粟減價平糶又積粟備荒給棉施糶鄰里賴之子之炎

崑新兩縣續修志

卷三十三

好義

四

仁厚有父風郡守陳鵬年表其閭年八十一卒

○周楨字聚度少失怙恃事其祖以孝聞撫幼弟五六人俱得成立性好施族鄰有困乏者必周其急邑有善舉如育嬰社倉輒為領袖所居度城與鄉飲潘廷獻俱好行其義並以善人稱

○葉本麟字惟昭自洞庭東山徙千墩兄弟同居五十年式好無間與人交然諾不欺遇善事捐貲無吝色年五十餘即屏絕世故閉戶清修子大德好施如其父

○潘盛遇字聯五先世歛人其父徙崑山盛遇遂補邑諸生事父以孝聞諸父之在原籍者歲時存問先世貲產悉以推讓自奉甚儉而好施予給棺散棉育嬰同善無

不悉力扶助焉

○李衛字衛如性豪俠急人之難有以窮乏告者必周給之至罄其案不顧子斐然字思裁以郡諸生食餼績學工文兼擅書法

○王南坤字南洲甬直人父鼎美性謹厚始艱嗣晚歲舉坤坤事父得歡心康熙戊辰辛未間米價昂貴出米百餘石平糶乾隆五年巡撫徐士林仿朱子社倉法坤首捐社穀五十石丙子歲饑石米五金設廠賑粥遠近德之又同里諸生朱青字淇竹嘗力請巡撫韓世琦開濬注浦幾二十里水利甚溥民多賴之

○顧登字洲士孝子存儒子少食貧以勤儉起家樂善喜

崑新兩縣續修台志

卷三十三

好義

五

施子念族姓繁衍捐置義田五頃倣宋范氏規則籲請當道聞於 朝乞所司察如約時學宮 禮殿尊經閣頽壞泮池久淤登次第出貲興修疏濬又建忠義孝悌祠於鄉賢祠右餘如書院及橋梁泉井之屬賴以修舉者不可勝紀雍正乙卯當事以急公保薦授亳州同知尋乞休歸先是邑志自明萬厯初輯錄後至 本朝康熙間續修未竣登延諸名宿纂集合添設新邑爲崑新台志凡脩脯制廟之費咸肩任之卒年七十七子敞字宏開例授州同知世敍字貢來少好學能文章尤工書慕文徵明之爲人由監生例銓翰林院待詔入棘闈十九次卒不售楷法師率更行書師衡山風骨堅蒼落紙

神似顧不肯署贗款曰此不可以辱我先賢也

○唐琦字蘊奇德宜子出後世父德咸弱冠補新陽諸生嘗勸嚴園義冢於留暉門外乾隆甲申開鑿越河以出土遺骸葬其地庚寅夏修葺學宮琦經營最力復於至聖諱日誕辰偕諸生釋奠於玉山書院會兩邑版荒升科之議起諸司以屬崑令郝瓊瓊集紳士謀琦力陳低瘠田蕩所獲甚微一經升科民必棄之必至官民交病瓊悅令屬稿以覆事得寢生平博雅嗜古尤精堪輿家言卒年八十一子贊單縣主簿容緒新庠諸生

○梁鳳岐字從冲五世祖世倫始居邑之北新塘鳳岐好學工詩補郡諸生性孝友輕財重義隣近新塘柳沙二

崑新兩縣續修台志

卷三十三

好義

六

橋歲久圯壞力爲新之乾隆己卯歲大灾道瑾相望新陽尤甚出粟周給里黨全活多人居開輯先正格言教後進學者稱之子萬九諸生

○陳錦字席珍武庠生居木瓜涇之景巷涇多支港病涉者衆錦前後建橋十三皆以福字命名稱十三福橋行旅便之兄鑑字西藩亦好行義嘗開通潘曾浦之長浜直達雞鳴塘自茲行舟不復患迂道云

○朱汝楷字杏瞻讀書好善凡助人嫁者四成人婚者三延師課其子供億必豐脩脯必厚體察周密忠敬久而不諱邑令康基田調任昭文邀之至署曰非以簿書煩君欲借君老成端重坐鎮一切耳子三樹鋪字孟遠乾

隆壬午舉人廣東大州場鹽課大使樹齋字仲和力學敦行實成均未仕卒樹齋字叔儀幼警慧能文弱冠領庚辰恩科鄉薦授新城知縣調吉水終順天府經歷

○王棠字皓山邑諸生產僅中人而好行義乾隆元年邑令劉鶴以馬鞍山後入官地收葬暴露棺骸四年又於城北更設義冢前後所葬凡數千案皆首輸費力任其事他如剏修魁星閣開濬玉泉井捐立社倉率尙來以辦其後好義與家略相等者諸生諸秉源秉源字元萬尙賢卿壽賢七世孫性篤厚一故家子死暑月貧無以殮妻旋殉死詳列女傳秉源並爲棺葬以其二幼孤令鄉婦字之而資以粟念類此者不少乃糾同志剏施棺局規

崑新兩縣續修合志

卷三十三

如義

七

畫詳慎迄數十年如一日秉源子忠孚字虎臣髫歲能文有神童之目遊庠受餼後頻蹟鄉閭未中壽而卒

○薛學敏字啟源少補諸生精醫理遇貧者給以藥且量資之活人甚衆乾隆元年邑人王宋倡普義園瘞暴骨學敏時主其家力贊成之後與同里諸生吳鏡初建永安局其葬埋規條一如首義領甲子鄉薦未仕卒年七十鏡字克明孝子常之孫少善屬文進試冠其軍生平喜網羅舊聞遇前賢軼事邑乘所遺者纂輯成編題曰可信錄性尤偶儻好義永安局既倡興復東西義冢學敏已卒一切經營奔走皆鏡之力也

○孔傳泗字英卓太學生父毓璧早歿撫兩幼弟俾成立

所居孔巷相傳孔氏遷崑之始故有宗祠傳泗就祠旁設義塾以教族姓子弟又與宗人鑒各捐常稔田爲義田上其事於司農資世守有故人宦江右負官逋而病上官持之弗令歸傳泗聞之挈貲往爲之經紀并治歸裝未嘗形德色子繼泰字鶚瞻乾隆丁酉以選拔入咸均喜賓客嗜法書名畫潑墨作山水得宋元人筆意

○支鳳崗字德章監生候補縣佐好施與乾隆二十年歲饑捐貲賑濟設廠施粥無吝色當路高其義行給義敦梓黨匾善事親親或不悅必長跪求解親顏霽乃起弱冠至外大父家見舅氏兄弟爭論苦口勸之不聽即前跪曰兩大人不和好伏地不起矣道遇尊長必正立拱

崑新兩縣續修合志

卷三十三

好義

六

手俟其過乃行中年以往無嗣爲善益篤六旬外舉一子登信太學生樂善好施如其父又陳墓鎮人陸學堅監生亦好行善里中善舉無不與嘉慶十九年舉鄉飲賓署崑山令艾榮松獎以年高德劭廬道光三年大水災平糶賑饑心力交瘁知縣馮秉泰復給以惠普梓里廬獎勵卒年七十一

○方復字思行邑諸生知醫好義嘗著戒火葬說偕同志倡永安局收瘞暴骨冒風日走叢冢間督視及疾革誠家人曰吾死葬吾於義冢以解世之恥葬義冢者

○鄭思怙字志瞻太學生世習醫思怙益精其術性好施家無擔石儲而周急濟困常若不及乾隆丙子邑大疫

思估門如市貧無力者給以藥轉予之錢所入多隨手盡戚友有以匱乏告者輒不俟其言而畀之無不慚其意而去子淦字士華亦太學生精醫好善有父風

○湯鎮宇靜安太學生居裏巷少孤善治生天性孝友尤勇於赴義族有構宅爭地而閭牆者旁爲鎮地鎮立召與之曰毋俾後人議爾薄也里之南橫塘橋久圯需費甚鉅鎮慨然首任或語以形家言橋成恐不利於君鎮曰吾自爲千萬人病涉計耳他非所知也

○柏廷謨字明遠幼讀書未就爲縣從事嘗疑一死罪陰詞得實白長官雪之卒未嘗以語人逾艾引退於利益地方事輒彈力助成故家子貧乏無告及嫠婦老病無

崑新兩縣續修合志

卷三十三 好義

尤

依者惻卹恐後生平每勸人息爭遠近咸稱長者云

○徐文奎字聚五順治辛丑進士與喬元孫崑庠生鏡子補諸生鄉舉不遇治生產家日裕事親能得歡心鍾愛異他子性悅爽饒智計自奉儉而好施邑有社倉胥吏侵牟過半首倡捐穀五百石道光癸未大水民饑賑粥平糶助不給夏施藥冬施棉歲以爲常又念族姓繁業儒患貧做范文正遺規立義田購莊屋祀遷崑始祖以下主事甫議舉而文奎病疾革遺命割膏腴產五頃贈族卒年五十子寶符瑤詳請憲題奉 旨准給帑建坊旌表初族高祖相國元文有遺屋典他姓贖歸居之建閣於其西題曰溪山清賞課子讀書優游卒歲寶符瑤

別有傳

○朱大松字萬梅宋徽國文公裔孫明季有應聚者業貿遷由婺源卜居崑山遂入籍爲大松六世祖祖翁父受觀伯父受謙無後以大松爲子嘗訓之曰居家毋奢行善毋吝兩世皆好施大松遵先訓自奉約而勇於爲義嘉慶甲戌知縣王青蓮修城倡捐協修道光癸未大水窮民行乞於路大松飢者食之寒者衣之又捐米數百斛協賑昭文縣灾黎縣志七十餘年末修恐文獻散佚延邑中耆舊王學浩吳映奎邱以澄張宗城等設局分纂一切薪水修金獨力捐辦費五六千金就正吳縣先達石韞玉序以梓行立義莊建祠其中撥田千畝有奇

崑新兩縣續修合志

卷三十三 好義

辛

濟貧族詳憲題請得准如例凡修橋平路築閘浚河及普濟育嬰散善各堂務不給皆出貲伙助以例貢議敘縣佐道光壬寅八月卒年六十有六

○晉大鏞字若靈其先世於元時由山右遷崑遂占籍明嘉靖癸未進士台州守憲大鏞十世祖父旭濤忱爽好義鄉里推重大鏞由武生援例入監父辛母哭之哀日告百計求醫罔效事之惟謹迎養寡嫂撫從子女如已出成黨病者醫藥之歿者喪葬經紀之無後者爲置後擇師訓之癸未水災歲大饑知崑山縣事馮秉泰高其行誼有幹才延董賑卹事酌定條約勸募人皆服精勤周密不可及縣以名報績堅辭馮曰勤苦如此不欲表

祿爲君計則可如無以示勸何且牒已發不可辭也旋得恩旨從優議敘縣佐大鏞於地方善舉無不倡導卒之日無遠近親疎咸泣下至有慟哭者年四十八大鏞子四人仲子邦基廩生好學工詩文性狷介慎默授徒自給遇粵匪難避南鄉憂憤卒年五十二

○俞曾燮初名授曾字傳伯祖雲耕雍正壬子舉人官廣東長甯知縣父恩來增生燮少承家學爲諸生有聲譽同里朱叔鴻篤行君子也嘗稱曾燮坦夷和緩與人交忠告善道遇不可相爭至面赤卒不忤與陸逢甲友善鄉賢明陝西僉事贈副使陸冕嘗劾方士陶仲文忤旨謫官爲逢甲十世祖墓爲夏某侵佔廉得其事告逢甲

崑新兩縣續修合志

卷三十三

好義

主

逢甲慷慨然謂友人王嘉會王鳴鳳張潛之曰副使以直諫遷謫先民之望樵牧侵及兆域後死者責也非訟之官不可君等其共助之皆曰諾遂具牒之官墓得不毀而夏卒還侵地其勇於爲人果斷不惑類如此卒年五十二

○王嘉會字仲亨父琳字耀昆歲貢生以學行爲鄉祭酒嘉會與兄嘉俊先後補崑庠生爲文務宗理法不作時俗軟媚語歲試拔優等食餼性坦直或面斥人過不稍假家僅中人產好施與不足告貸以相賙然往往爲人所負夷然不介意也會武生方某爲縣尉辱士論譁然嘉會素識尉爲言薄懲其役事當解尉被酒以嘉會爲

侮已懇諸縣由縣達大吏大吏不察褫衣衿下獄知嘉會者咸惜之且訟其冤事既白循例入太學嘉會狀貌充然偉鬚髯規行矩步後輩皆憚之學本朱子小學近思錄持儒釋辨尤力事親孝色養備至嘉俊早世遺孤五人教之成立道光癸卯年六十卒

○金承烈字紹周世居石浦父玉立始遷於邑精瘍醫承烈繼之求醫者如市應手輒愈而不受人值性慨爽一諾千金道光癸未大水路多餓殍承烈惻然傷之出貲創建普濟育嬰堂男女號房四十餘間並捐田二百餘畝偕同志夏溶顧之蘭勸募以養窮獨收棄孩而哺乳之道光己酉水災經費支絀承烈子履基接辦又偕溶

崑新兩縣續修合志

卷三十三

好義

主

姪某勸募給發全活甚眾溶字渭川增生明太常卿景裔孫工制藝善口才兼明醫理尤精法家言時設善普育同時舉故善意兼保富普育全係濟貧溶循歷四鄉苦心諄勸墾田至數千餘畝推廣儒寡恤養計口按日給錢窮民無告者均賴以生省蘭字廷佩增生明大學士鼎臣裔孫普育規條均出其手佐理三十餘年無倦容道光二十五年例得重游泮水邑人請不應又三年卒年八十六

○胡濤字濟美充新邑戶書掌賦歛時漕弊叢生吏役視爲利藪充此職者率家日裕置田產屋宇濤獨力行善事寒者衣之饑者食之婚嫁無力者助之喪不成殮者

贈之遇急事至以所納公家錢與之自質其衣飾以輸官元旦日有衰經叩門求助棺斂者家人怪叱之濤適空甌典質資之且曰今日第一日作第一事便是大好事此天賜我也每屆歲除探知實不能度歲者袖銀微行陰投戶內鄉里咸德之喜爲人排難解紛有不平爭論事得濤片言憾俱釋老幼敬服其陰行善常如此自奉極儉約衣布茹蔬老屋數間終其身卒年七十餘

○姚庭昌字桂林三歲喪父事母孝家貧執刀鐮以養衣敝食粗奉母必有酒肉母思食鱗魚時一尾值數百錢庭昌窘甚傍徨河干客見有欲得之色詢知其故卽擇肥者餉之終身感焉母患厥疾病篤封股和藥進病良

崑新兩縣續修合志 卷三十三 好義

三

愈逾三年歿庭昌已生子坤坤七歲妻卒誓不復娶坤就外傳晨夕督教奉先生必誠必敬中年有率錢爲會者其家被焚不能償有訟之官官問庭昌曰若亦會中人某負錢何獨不言庭昌頓首謝某不幸被災非心負也民雖貧實不忍索一錢且人多財何爲將獨爲子孫用乎令見詞氣慷慨命皆具券弗責償令既異姚遣人達意欲見之謝弗往迨坤補廩生執技如故道光辛丑三吳水災新陽尤甚守將維揚劉淮率邑之善士爲粥以食餓者庭昌亦出貲助賑貧而好施人多難之是冬卒年六十

潘道根有傳

○陸耀宇振寰新陽監生居邑之毛厓村少好武得吳戈

拳臂銳悅之習練鎗棒力能敵數十人居心忠厚里中有善舉解囊慨助無吝色援例授千總職道光己酉邑大水捐貲平糶立施粥廠不足商之吳縣友人汪正復得正所募銀竭力籌辦飢民得生無算傳中丞繩勳給善行克敵扁額獎勵咸豐末粵匪變作巡撫徐有壬保舉加守備銜札委探高郵溧水軍情及郡縣失守復捐貲募勇數百人設局長浜天燈巷偕把總許錫昌誓共殲賊歷數月家資幾罄遇賊受傷自知勢不可支憂鬱患目疾常切齒椎胃以未能滅賊報國爲恨同治三年卒年六十餘

○吳再錫字光甫崑庠生平生重然諾輕財幣每關心邑

崑新兩縣續修合志 卷三十三 好義

三

中善舉晚歲棄教讀業辦公嘗與李傅霖勸募紳富捐貲創立文會局廣書院膏火立籌濟局濟窮民度歲米監修文廟早出晚歸終年無倦容又修建祠宇若五貞崇賢及顧亭林祠無不購置田畝爲香火修葺費道光己酉大水田廬淹沒饑民滿道接辦撫卹任勞任怨盡心籌畫事竣兩邑令詳請獎勵議敘以訓導試用陳學敏原名如新新陽歲貢生再直人性好善於里中創立義塾及保嬰會咸豐末兩次募捐留養六合等縣難民同治五年江北饑又募捐留養災民學敏不惜艱辛實力辦公崑山縣張楷給樂善不倦匾獎勵

○顧運銓字秉衡號桂曹世居夏甲村祖德宏本生祖道